

## اهتمام

ما يحتاج منك كلام يحتاج منك اهتمام  
حلاوه الحب في صلاته وعفويته  
لوازهرت في ثرى سمعي غصون الكلام  
دون اهتمام وموده كنها ميته  
نظرة وسمة تكفي عز كلام الانام  
اللى يبين غالا قلبك وحنينته  
لوان كسر الخواطر مثل كسر العظام  
كل جبر خاطر وقف على نيته  
لكن على السلام ولا عليك السلام  
يستاهل الجرح من يرضى بماريته  
وليانكر الغصن لأوراقه وطار الحمام  
ماعاد يغريه لا لونه ولا فيته  
والله لواني صحاري وانت وصالك غمام  
مانى شفوق على شوفه ولا جيتة  
اللى حطبني بفاسه ماتركنى حطام  
أشعل هشيم الضلوع بنار وحشيتها  
عط الله ممدود

من منبت الشعر استقامت ثم تنامت  
لين حد الخل ..  
بانت اشتاءاً!  
لا هي «هي» ولا هي آخر!  
وكل آخر: آخر الأحباب والأبواب من روح  
إعتقتها

قبل هذا الوقت يبصر  
قبل يتكون مداها من «عَدَاهَا» صبح سافر!  
وابعد أبعد من زمان الطيش  
وأسراب الغناء  
يا بلادي الطيبة والخوف منفى:  
أظهريني من منافي البليدة  
اشربيني شعر  
ولا اسكببني غاوية ملت تفاصيل المبادي في  
بلادي  
والبيوت!!  
آخ لو تدرین وش ذل السكوت!  
ردي العهد القديم ،  
الوقت من «صمتي» يهيم .. أرجوك  
كان هذا الصفت أثمن ما تركه المتقين .. ولا تُقْنِي  
في ذاكرة تخنق أغاني الصادقين الثائرين بـ مبدأ  
الإملاء!  
علميني يا بلادي ..  
أو بلاش تعلميني  
السلام لمن «يشقق» بالغناف الريح يمه  
يا .. بذمه .. يا ..  
تعالي «سولفيني» يا سماء ..!

## أنيزية